

第二二六冊

明倫彙編

皇極典

帝紀部

卷一七

古今圖書集成

中華書局影印



古今圖書集成

中國古籍影印

欽定古今圖書集成明倫彙編皇極典

第六十卷目錄

帝紀部彙考五十四

唐八

元宗下

皇極典第六十卷

帝紀部彙考五十四

唐八

元宗本紀下

按舊唐書元宗本紀開元十四年春正月癸亥改封契丹松漠郡王李召固爲廣化王奚饒樂郡王李魯蘇爲奉誠王封宗室外甥女二人爲公主各以妻之二月庚戌朔邕州獬首領梁大海周光等據賓嶺等州叛遣驍騎大將軍兼內侍楊思最討之三月壬寅以國甥東華公主降于契丹李召固夏四月癸丑御史中丞宇文融與御史大夫崔隱甫彈尚書右丞兼中書令張說轉於尚書省丁巳戶部侍郎李元絃同中書門下平章事庚申張說停兼中書令丁卯太子少師岐王範薨冊贈惠文太子辛丑於定恆莫易治等五州置軍以備突厥五月癸卯戶部進計帳今年管戶七百六萬九千五百六十五管口四千一百四十一萬九千七百一十二六月戊午大風拔木發屋毀端門鳴吻都城門等及寺觀鳴吻落者殆半上以

早暴風雨命中外羣官上封事指言時政得失無有所隱秋七月癸丑夜灋水暴漲入漕漂沒諸州租船數百艘溺者甚衆九月己丑檢校黃門侍郎兼積西副大都護杜暹同中書門下平章事是秋十五州言早及霜五十州言水河南河北尤甚蘇同常福四州漂壞廬舍遣御史中丞宇文融檢覆賑給之冬十月廢麟州庚申幸汝州廣成湯已已還東都十一月甲戌突厥遣使來朝辛丑渤海靺鞨遣其子義信來朝并獻方物十二月丁巳幸壽安之方秀州己未日色赤如赭壬戌還東都

十五年春正月戊寅制草澤有文武高才令詣闕自舉庚子太史監復爲太史局依舊隸祕書省辛丑涼州都督王君奭破吐蕃於青海之西擄輜車馬羊而還二月遣左監門將軍黎敬仁往河北賑給貧乏之河北牛畜大疫己巳尚書左丞相張說御史大夫崔德甫中丞宇文融以朋黨相構制說致仕德甫免官侍母融左遷魏州刺史夏五月晉州大水漂損居人廬舍癸酉以慶王潭爲涼州都督兼河西諸軍節度大使忠王浚爲單于大都護朔方節度大使棣王洽爲太原翼北牧河北諸軍節度大使鄂王曄爲幽州都督河北節度大使榮王湜爲京兆牧龍右節度大使光王滉爲廣州都督五府節度大使儀王滌爲河南牧潁王湊爲安東都護平盧軍節度大使宋王澤爲荊州大都督壽王濤爲益州大都督劍南節度大使延王洄爲安西大都護積石節度大使盛王沐爲揚州大都督並不出閤秋七月甲戌雷震興教門樓兩鳴吻欄檻及柱災禮部尚書蘇頌卒庚寅鄭州洛

水泛漲壞人廬舍辛卯又壞同州馮翊縣廨宇及溺死者甚衆丙申改武臨縣爲潁陽縣己亥敕都城繫囚死罪降從流徒已下罪悉免之九月丙子吐蕃寇瓜州執刺史田元獻及王君奭父壽殺掠人吏盡取軍資倉糧而去丙戌突厥毗伽可汗使其大臣梅錄啜來朝閏月庚子突厥騎施蘇祿吐蕃贊普圍安西副大都護趙歸貞擊走庚申車駕發東都還京師迴紇部落殺王君奭于甘州之聲筆驛制檢校兵部尚書蕭嵩兼判涼州事總兵以禦吐蕃是秋六十三州水十七州霜旱河北飢轉江淮之南租米百萬石以賑給之冬十月己卯至自東都十二月乙亥幸溫泉宮丙戌至自溫泉宮

十六年春正月庚子始聽政于興慶宮秦隴等州獬首領瀧州刺史陳行範廣州首領馮仁智何遊反魯叛遣驍騎大將軍楊思勛討之王寅安西副大都護趙歸貞敗吐蕃于城曲于城甲子黑水靺鞨遣使來朝獻秋七月吐蕃寇瓜州刺史張守珪擊破之己巳檢校兵部尚書蕭嵩鄯州都督張志亮攻拔吐蕃門城斬獲數千級收其資畜而還丙辰新羅王金興光遣使貢方物八月己巳特進張說進開元大衍曆詔命有司頒行之辛卯蕭嵩又遣杜賓客擊吐蕃于祁連城大破之獲其大將一人斬首五千級九月丙午以久雨降死罪從流徒以下原之冬十月己卯幸溫泉宮己丑至自溫泉宮十一月癸巳朔檢校兵部尚書河州節度判涼州事蕭嵩爲兵部尚書同中書門下平章事餘如故十二月丁卯幸溫泉宮丁丑至自溫泉宮

十七年二月丁卯嵩州都督張蕃素攻破蠻拔昆明城及鹽城殺獲萬人庚子特進張說復為尚書左丞相同州刺史陸象先為太子少保甲寅禮部尚書信安王禕帥眾攻拔吐蕃石堡城夏四月癸亥令中書門下分就大理京兆萬年長安等獄疏決囚徒制天下繫囚死罪減一等餘並宥之丁亥大風震電藍田

山崩五月癸巳復置十道按察使右散騎常侍徐堅卒六月甲戌尚書右丞相源乾曜停兼侍中黃門侍郎杜暹為荊州大都督府長史中書侍郎李元紱為曹州刺史兵部尚書蕭嵩兼中書令戶部侍郎兼鴻臚卿宇文融為黃門侍郎兵部侍郎裴光庭為中書侍郎並同中書門下平章事秋七月辛丑工部尚書張嘉貞卒八月癸亥上以降誕日譙百寮於花萼樓下百寮表請以每年八月五日為千秋節王公已下獻鏡及承露囊天下諸州咸令譙樂休暇三日仍編為令從之丙寅越州大水漂壞廨宇及居人廬舍己卯中書侍郎裴光庭兼御史大夫依舊知政事乙酉尚書右丞相開府儀同三司兼吏部尚書宋璟為尚書右丞相尚書左丞相源乾曜為太子少傅九月壬子宇文融左遷汝州刺史俄又貶昭州平樂尉壬寅裴光庭為黃門侍郎依舊知政事冬十月戊午朔日有蝕之不盡如鉤癸未睦州獻竹實庚申前太子賓客元行冲卒十一月庚申親饗九廟辛卯發京師丙申謁橋陵上望陵涕泣左右並哀感制奉先縣同赤縣以所管萬三百戶供陵寢三府兵馬供宿衛曲赦縣內大辟罪已下戊戌謁定陵己亥謁獻陵壬寅謁昭陵乙巳謁乾陵戊申車駕還宮大赦天下流移人

並放還左降官移近處百姓無出今年地稅之半每陵取側近六鄉供陵寢內外官三品已上加爵一等四品已下賜一階五品已上請父母亡者依級賜官及邑號十二月辛酉幸溫泉宮乙丑校獵渭濱壬申至自溫泉宮是冬無雪

十八年春正月辛卯黃門侍郎裴光庭為侍中依舊兼御史大夫左丞相張說加開府儀同三司丙午幸薛王業宅即日還宮二月丙寅大雨雪俄而雷震左飛龍殿災三月辛卯改定州縣上中下戶口之數依舊給京官職田夏四月乙卯築京城外郭城凡十月而功畢壬戌幸寧親公主第即日還宮乙丑裴光庭兼吏部尚書是春命侍臣及百寮每旬暇日尋勝地譙樂仍賜錢令所司供帳造食丁卯侍臣已下譙于春明門外寧王憲之園池上御花萼樓邀其迴騎便令坐飲遞起為舞頒賜有差五月契丹衙官突可汗殺其主李召固率部落降于突厥奚部落亦隨西叛奚王李魯蘇來奔召固妻東華公主陳氏及魯蘇妻東光公主韋氏並奔投平盧軍制幽州長史趙含章率兵討之六月庚申命左右丞相尚書及中書門下五品已上官舉才堪邊任及刺史者甲子彗星見于五車癸酉有星孛于畢昴丙子命單于大都護忠王浚為河北道行軍元帥御史大夫李朝隱京兆尹裴仙先為副率十八總管以討契丹及奚等事竟不行壬午東都澶洛泛漲壞天津永濟二橋及堤象門外仗舍損居人廬舍千餘家閏月甲申分幽州置薊州己丑令范安及韓朝宗就澶洛水源疏決置門以節水勢辛卯禮部奏請千秋節休假三日及村閭社會

並就千秋節先賽白帝報田祖然後坐飲散之秋七月庚辰幸寧王憲第即日還宮八月丁亥上御花萼樓以千秋節百官獻賀賜四品已上金鏡珠囊繡綵賜五品已下束帛有差上賦八韻詩又制秋景詩辛亥幸永穆公主宅即日還宮九月先是高戶捉官本錢乙卯御史大夫李朝隱奏請薄稅百姓一年租錢充依舊高戶及典正等捉隨月收利供官人稅錢冬十月吐蕃遣其大臣名悉獵獻方物請降許之庚寅幸岐州之鳳泉湯癸卯至自鳳泉湯十一月丁卯幸新豐溫泉宮十二月戊子豐州刺史袁振坐妖言下獄死戊申尚書左丞相燕國公張說薨是歲百寮及華州父老累表請上尊號內請加聖文兩字并封西嶽不允

十九年春正月壬戌開府儀同三司霍國公王毛仲貶為襄州別駕中路賜死黨與貶黜者十數人辛卯遣鴻臚卿崔琳入吐蕃報聘丙子親耕於興慶宮龍池己卯禁採捕鯉魚天下州府春秋二時社及釋奠停牲牢唯用酒醢永為常式二月甲午以崔琳為御史大夫三月乙酉朔崔琳使于吐蕃夏四月壬午於京城置禮院丙申令南京及天下諸州各置太公尚父廟以張良配饗春秋二時仲月上戊日祭之壬戌五岳各置老君廟六月乙酉大風拔木秋八月辛巳降天下死罪從流徒已下悉原之九月辛未吐蕃遣其國相論尚他律來朝冬十月丙申幸東都十一月丙辰至自東都甲子太子少傅源乾曜薨十二月嶺州都督張審素以劫制使監察御史楊汪伏誅是冬浚苑內洛水六十餘日而罷戊戌裴光庭上搖山往

則維城前軌各一卷上令賜太子諸王各一本

二十年春正月乙卯以禮部尚書信安王禕率兵討契丹丁巳幸長芬公主宅乙丑幸薛王業宅並即日還宮二月己未勅文武選人承前例三月二十日爲例然後開選門比團甲進官至夏末自今已後選門並正月內開團甲二月內訖分命宰相錄京城諸獄繫囚三月信安王禕與幽州長史趙含章大破奚契丹於幽州之北山夏四月乙亥譙百寮於上陽東州醉者賜以牀褥肩輿而歸相屬於路癸巳改造天津橋毀皇津橋合爲一橋五月癸卯寒食上墓宜編入五禮未爲恆式辛亥金仙長公主薨戊辰信安王獻奚契丹之俘上御應天門受之六月丁丑單于大都護河北東道行軍元帥忠王浚加司徒都護如故副大使安王禕加開府儀同三司庚寅幽州長史趙含章坐盜用庫物左監門員外將軍楊元方受含章饋餉並於朝堂決杖流瀼州皆賜死于路其月遣范安及於長安廣花萼樓築夾城至芙蓉園秋七月戊辰幸寧王憲宅即日還宮八月辛未朔日有蝕之己卯戶部尚書王駿卒九月乙巳中書令蕭嵩等奏上開元新禮一百五十卷制所司行用之渤海靺鞨寇登州殺刺史韋俊命左領軍將軍蓋福順發兵討之冬十月丙戌命巡幸所至有賢才未聞達者舉之仍令中書門下疏決囚徒辛卯至潞州之飛龍宮給復三年兵募丁防先差未發者令改出餘州辛丑至北都癸丑曲赦太原三年十一月庚午祀后土於雒上大赦天下左降官量移近處内外文武官加一階開元勳臣盡假紫及緋大酺三日十二月壬申至京師其

年戶部計戶七百八十六萬一千二百三十六口四千五百四十三萬一千二百六十五

二十一年春正月庚子朔制令士庶家藏老子一本每年貢舉人量減尚書論語兩條策加老子策乙巳還祔肅明皇后神主于廟毀儀坤廟丁巳幸溫泉宮己未命工部尚書李嵩使于吐蕃癸亥至自溫泉宮三月乙巳侍中裴光庭薨甲寅尚書右丞韓休爲黃門侍郎同中書門下平章事閏月幽州道副總管郭英傑等討契丹爲所敗於都山之下英傑死之夏四月丁巳以久旱命太子少保陸象先戶部尚書杜暹等七人往諸道宣慰賑給及令黜陟官吏疏決囚徒丁酉寧王憲爲太尉薛王業爲司徒慶王潭爲太子太師忠王浚爲開府儀同三司棟王洽爲太子少傅鄂王涓爲太子太保五月甲申皇太子納妃薛氏制天下死罪降從流已下釋放京文武官賜勳一轉秋七月乙丑朔日有食之九月壬午封皇子湓爲濟王洧爲信王泚爲義王濯爲陳王澄爲豐王德爲恒王璇爲涼王滔爲深王冬十月庚戌幸溫泉宮十一月戊子尚書右丞相宋璟以年老請致仕許之十二月丁未兵部尚書徐國公蕭嵩爲尚書右丞相黃門侍郎韓休爲兵部尚書並罷知政事京兆尹裴耀卿爲黃門侍郎前中書侍郎張九齡起復舊官並同中書門下平章事是歲關中久雨害稼京師飢詔出太倉米二百萬石給之

邢相等五州之糧遣中書舍人裴敦復巡問量給種子己丑至東都二月壬寅秦州地震廡宇及居人廬舍崩壞始盡壓死官吏已下四十餘人殷殷有聲仍連震不止命尚書右丞相蕭嵩往祭山川並遣使存問賑恤之壓死之家給復一年一家三人已上死者給復二年辛亥初置十道採訪處置使徵恒州張果先生授銀青光祿大夫號曰通元先生三月沒京兆商人任令方資財六十餘萬貫壬午欲令不禁私鑄錢遣公卿百寮詳議可否衆以爲不可遂止四月乙未伊西北庭且依舊爲節度廢太廟署以太常寺奉宗廟庚子唐州界淮勝州例立表測候日晷影長短乙巳詔京都見禁囚徒令中書門下及留守檢校覆降罪天下諸州委刺史丁未眉州鼎皇山下江水中得寶鼎甲寅北庭都護劉渙謀反伏誅五月戊子黃門侍郎裴耀卿爲侍中中書侍郎張九齡爲中書令黃門侍郎李林甫爲禮部尚書同中書門下平章事關中大風拔木同州尤甚是夏上自於苑中種麥率皇太子已下躬自收穫謂太子等曰此將薦宗廟是以躬親亦欲令汝等知稼穡之難也因分賜侍臣謂曰比歲令人巡檢苗稼所對多不實故自種植以觀其成且春秋書麥禾豈非古人所重也六月乙未遣左金吾將軍李佺於赤嶺與吐蕃分界立碑七月己巳司徒薛王業薨追諡爲惠宣太子甲申遣中書令張九齡充河南開稻田使八月先是駕至東都遣侍中裴耀卿充江淮河南轉運使河口置輪場壬寅於輪場東置河陰縣又遣張九齡於許豫陳亳等州置水屯九月壬申改饒樂都督府爲奉誠都督府辛巳

移登州平海軍於海口安置冬十月甲辰試司農卿陳思問以賊私配流瀋州十二月戊子朔日有蝕之乙巳幽州長史張守珪發兵討契丹斬其王屈烈及其大臣可突于於陣傳首東都餘叛奚皆散走山谷立其酋長季過折爲契丹王是歲突厥毗伽可汗死斷京城乞兒

二十三年春正月己亥親耕籍田上加至九推而止卿已下終其畝大赦天下京文武官及朝集採訪使三品已下加一爵四品已下加一階外官賜勳一轉其才有霸王之略學究天人之際及堪將帥牧宰者令五品已上清官及刺史各舉一人致仕官量與改職依前致仕賜卹三日二月丁卯殿中侍御史楊萬頃爲讎人所殺夏五月戊寅宗子請率月俸於興慶宮建龍池上聖德頌秋七月丙子皇太子鴻改名瑛慶王直已下十四王並改名又封皇子玘爲義王玑爲陳王珙爲豐王珝爲恆王璿爲涼王璣爲汴王其榮王琬已下並開府置官屬各食實封二千戶八月戊子制錄寡婢獨免今年地稅之半江淮已南有遭水處本道使賑給之九月戊申移泗州就臨淮縣置冬十月辛亥移隸伊西北庭都護屬四鎮節度突騎施寇北庭及安西撥換城十一月壬申朔日有蝕之十二月新羅遣使朝獻

二十四年春正月吐蕃遣使獻方物北庭都護蓋嘉運率兵擊突騎破之三月乙未始移考功貢舉遣禮部侍郎掌之夏六月丙午京兆醴泉妖人劉志誠率衆爲亂將趨京城咸陽官吏燒便橋以斷其路俄而散走京兆府盡擒斬之是夏大熱道路有暍死者秋

七月庚子太子太保陸象先卒辛丑李林甫爲兵部尚書依舊知政事己巳初置壽星壇祭老人星及角亢等七宿八月戊申朔加親舅小功服舅母總麻服堂舅袒免己亥深王滔薨九月壬午改尚書主爵曰司封冬十月戊申車駕發東都還西京甲子至華州曲赦行在繫囚丁丑至自東都十一月壬寅侍中裴耀卿爲尚書左丞相中書令張九齡爲尚書右丞相並罷知政事兵部尚書李林甫兼中書令殿中監牛仙客兵部尚書同中書門下三品尚書右丞相蕭嵩爲太子太師工部尚書韓休爲太子少保十二月戊申太子太師慶王琮爲司徒牛仙客知門下省事

二十五年春正月壬午制朕猥集休運多謝哲王然而哀矜之情小大必慎自臨寰宇子育黎蒸未嘗行極刑起大獄上元降鑒應以祥和思協平邦之典致之仁壽之域自今有犯死刑除十惡罪宜令中書門下與法官詳所犯輕重具狀奏聞崇德尚齒三代丕義敦風勸俗五教攸先其曾任五品已上清資官以禮去職者所司具錄名奏老疾不堪釐務者與致仕道士女冠宜隸宗正寺僧尼令祠部檢校百司每旬節休假並不須入曹司任遊勝爲樂宣示中外知朕意焉癸卯道士尹愔爲諫議大夫集賢學士兼知史館事二月新羅王金興光卒其子承慶嗣位遣贊善大夫邢璣攝鴻臚少卿往弔祭開立之壬子加宗正丞一員戊午罷江淮運停河北運癸酉張守珪破契丹餘衆於榛祿山殺獲甚衆三月乙卯河北節度使崔希逸自涼州南率衆入吐蕃界二千餘里己亥希逸至青海西即佐素文子荷與賊相遇大破之斬首

二千餘級夏四月庚戌陳許豫壽四州開稻田辛酉監察御史周子諒上書忤旨擢之殿庭朝堂決杖死之甲子尚書右丞相張九齡以會薦引子諒左授荊州長史乙丑皇太子瑛鄂王瑤光王琚並廢爲庶人太子妃兄駙馬都尉薛鏞長流瀋州至藍田驛賜死六月壬戌熒惑犯房至心星越度而過秋七月己卯大理少卿徐帖奏天下今歲斷死刑五十八錢致刑措鳥巢寺之獄上特推功元輔庚申封李林甫爲晉國公牛仙客爲幽國公己卯勅諸陵廟並隸宗正寺其宗正寺官員自今並以宗枝爲之九月壬申頒新定令式格及事類一百三十卷於天下冬十月制自今年每年立春日迎春於東郊其夏及秋冬如常以十二月朔日於正殿受朝讀時令十一月壬申幸溫泉宮丁丑開府儀同三司廣平郡公宋璟薨十二月丙午惠妃武氏薨追諡爲貞順皇后葬於敬陵吐蕃使其大臣屬盧論莽藏來朝貢

二十六年春正月乙亥工部尚書牛仙客爲侍中丁丑親迎氣于東郊祀青帝制天下繫囚犯罪流嶺南餘並放免鎮兵部還京兆府新開稻田並散給貧人百官賜勳絹長安萬年兩縣各與本錢一千貫收利供駙仍付雜朝天下州縣每鄉一學仍擇師資令其教授諸鄉貢每年令就國子監謁先師明經加口試內外八品已下及草澤有博學文辭之士各委本司本州聞薦二月辛卯以李林甫遙領隴右節度使甲辰禁大寒食以雞卵相饋送庚申葬貞順皇后于敬陵乙卯以牛仙客遙領河東道節度使辛酉廢仙州分其屬縣隸許汝等州三月己巳朔減祕書省校書

正字官員丙子有星李于紫微垣中歷斗魁十餘日因陰雲不見己酉河南洛陽兩縣亦借本錢一千貫收利充人吏課役癸未京兆地震吐蕃寇河西散騎常侍崔希逸擊破之鄯州都督杜希望又攻拔新羅城制以其城為威戎軍夏四月己亥朔始令太常卿韋縉讀時令于宣政殿百寮于殿上列坐而聽之五月乙酉以李林甫遙領河西節度使兼判梁州事庚寅幸咸宜公主宅六月庚子立忠王璵為皇太子秋七月己巳冊皇太子大赦天下常赦所不免者咸赦除之內外文武官及五品已下為父後者各賜勳一轉忠王府官及侍講加一階賜酺三日庚辰分越州置明州九月丙申朔日有蝕之庚子於舊六胡之地置宥州益州長史王昱率兵攻吐蕃安戎城為賊所據官軍大敗昱棄甲而遁兵士死者數千人冬十月戊寅幸溫泉宮是歲渤海靺鞨王大武藝死其子欽茂嗣立遣使弔祭冊立之其冬兩京建行宮造殿宇各千餘間潤州刺史齊澣開伊婁河於揚州南瓜州浦析左右羽林軍置左右龍武軍以左右萬騎營隸焉

二十七年春正月乙巳大雨雪二月己巳加尊號開元聖文武皇帝大赦天下常赦所不免者咸赦除之開元已來諸色痕瑕人咸從洗滌左降官量移近處百姓免今年租稅三品已上賜爵一級四品已上加一階宗廟薦饗自今已後並用宗子賜酺五日夏四月丁丑廢洮州隸蘭州改臨州為洮州乙酉太子少傅竇瑰為開府儀同三司吏部尚書李暹為太子少傅丁酉侍中牛仙客為兵部尚書兼侍中兵部尚

書兼中書令李林甫為吏部尚書依舊兼中書令以東宮內侍隸內侍省為署五月癸卯置龍武軍官員先是鄜國公主之子薛諗與其黨李談崔洽石如山同於京城殺人或利其財或違其志即白日椎殺焚而食之其夏事發皆決殺於京兆府門諗以國親流漢州賜死於城東驛六月甲戌內常侍牛仙童坐賊決殺之幽州節度使兼御史大夫張守珪以賄貶為括州刺史太子太師徐國公肅當以嘗賂仙童左授青州刺史秋七月辛丑熒惑犯南斗北庭都護蓋嘉運以輕騎襲破突騎施於碎葉城殺蘇祿威震西陲八月吐蕃寇白草安人等甲申制追贈孔宣父為文宣王顏回為兗國公餘十哲皆為侯夾坐嗣後褒聖侯改封為文宣公九月皇太子改名紹汴州刺史齊瀚請開汴河下流自虹縣隋清至淮陰北合于淮逾時而功畢因棄沙壅舊路行者弊之尋而新河之水勢淙急遂填塞矣前刑部尚書致仕崔德甫卒冬十月將改作明堂詔言官取小兒埋於明堂之下以為厭勝村野童兒藏於山谷都城駭然咸言兵至上惡之遣主客郎中王佶往東都及諸州宣慰百姓久之定冬十月毀東都明堂之上層改拆下層為乾元殿戊戌幸溫泉宮辛丑至自溫泉宮十二月東都副留守太子賓客崔沔卒以益州司馬章仇兼瓊權劔南節度等使是歲蓋嘉運大破突騎施之衆擒其王吐火仙送于京師

望日夜為之三月丁亥朔日有蝕之王于權判益州長史章仇兼瓊拔吐蕃安戎城分兵鎮守之夏五月乙未太子少師韓休太子少傅李暹卒六月懷州刺史信安王禕為太子少師庚寅太子賓客李商隱卒秋七月壬寅追尊宣皇帝陵名曰建初光皇帝陵名曰啓運仍置官員九月魏州刺史盧暉開通濟渠自石灰巢引流至州城而西却滙魏橋九月庚寅封皇孫倓等十九人為郡王冬十月甲子幸溫泉宮辛巳至自溫泉宮乙酉夜東都新殿後佛光寺災吐蕃寇安戎城十一月牛仙客停遙兼朔方河東節度使十二月乙卯突騎施酋長莫賀達干率衆內屬己未禮部尚書杜暹卒是歲金城公主薨吐蕃遣使來告喪其時頻歲豐稔京師米斛不滿二百天下又安雖行萬里不持兵刃

二十九年春正月丁丑制兩京諸州各置元元皇帝廟并崇元學置生徒令習老子莊子列子文中子每年准明經例考試內外官有伯叔兄弟子姪堪任刺史縣令所司親自保薦禁九品已下清資官置客舍邸店車坊土庶奪葬三月吐蕃突厥各遣使來朝丙午風霾日色無影夏四月庚戌朔丙辰以太原裴旻先為工部尚書韋虛心卒親王已下及內外官各賜錢令燕樂壬午以左右金吾大將軍裴寬為太原尹北都留守秋七月乙卯洛水汎漲毀天津橋及上陽宮仗舍洛渭之間廬舍壞溺死者千餘人突厥登利可汗死北州刺史王斛斯為幽州節度使幽州節度副使安祿山為營州刺史充平盧軍節度副使押兩番渤海黑水四府經略使九月大雨雪稻禾偃折又

霖雨月餘途阻滯是秋河北博洛等二十四州言雨水害稼命御史中丞張倚往東都及河北賑恤之王申御典慶門試明四子人姚子產元載等冬十月丙申幸溫泉宮戊戌分遣大理卿崔翹等八人往諸道黜陟官吏十一月庚戌司空郭王守禮薨辛酉至自溫泉宮己巳雨木冰凝寒凍列數日不解辛未太尉寧王憲薨諡為讓皇帝葬于惠陵十二月丁酉吐蕃入寇陷鄆州達化縣及振武軍石堡城節度使蓋嘉運不能守女國王趙曳夫及佛逝國王日南國王遣其子來朝獻

天寶元年春正月丁未朔大赦天下改元常赦不原咸赦除之百姓所欠負租稅及諸色並免之前資官及白身人有儒學博通文辭秀英及軍謀武藝者所在具以名薦京文武官才堪為刺史者各令封狀自舉改黃鉞為金鉞內外官各賜勳兩轉甲寅陳王府參軍田同秀上言元皇帝降見于丹鳳門之通衢告賜靈符在尹喜之故宅上遣使就函谷關尹喜臺西發得之乃置元元廟於大軍坊陝郡太守李齊物先鑿二門辛未渠城放流二月丁亥上加尊號為開元天寶聖文神武皇帝辛卯親享元元皇帝于新廟甲午親享太廟丙申合祭天地于南郊例天下四徒罪無輕重並釋放流人移近處左降官依資叙用身死貶處者量加追贈枉法賊十五疋當絞今加至二十疋莊子號為南華真人文子號為通元真人列子號為沖虛真人庚桑子號為洞虛真人其四子所著書改為真經崇元學置博士助教各一員學生一百人桃林縣改為靈寶縣改侍中為左相中書左右

丞相依舊為僕射又黃門侍郎為門下侍郎東都為東京北都為北京天下諸州改為郡刺史改為太守陝州河北縣為平陸縣老幼版授文武官三品已上加一爵四品已上加一階庚子平盧節度使安祿山進階驃騎大將軍夏六月庚寅武功山水暴漲壞人廬舍溺死數百人秋七月癸卯朔日有蝕之辛未左相蘭國公牛仙客卒八月丁丑刑部尚書兼御史大夫李適之為左相丁亥突厥阿布思及默啜可汗之孫登利可汗之女相與率其黨屬來降壬辰吏部尚書兼右相李林甫加尚書左僕射左相李適之兼兵部尚書左僕射裴耀卿為尚書左僕射九月辛卯上御花萼樓出宮女譙妃御可汗妻可敦及男女等賞賜不可勝紀丙寅改天下縣名不穩及重名一百一十處兩京元元廟改為太上元元皇帝宮天下准此冬十月丁酉幸溫泉宮辛丑改驪山為會昌山仍於秦坑儒之所立祠宇以祀遭難諸儒新成生長殿名曰集靈臺以祀天神十一月己巳至自溫泉宮是歲命陝郡太守韋堅引澧水開廣運潭於望春亭之東以通河渭京兆尹韓朝宗又分渭水入自金光門置潭於西市之南衙以貯材木是冬無冰其年天下郡府三百六十二縣一千五百二十八鄉一萬六千八百二十九戶部進計帳今年管戶八百五十二萬五千七百六十三口四千八百九十萬九千八百二年春正月丙辰追尊元元皇帝為大聖祖元元皇帝兩京崇元學改為崇元館博士為學士三月壬子親祀元元廟以冊尊號制追尊聖祖元元皇帝父周上御史大夫敬曰先天太上皇母益壽氏號先天太

后仍於譙郡本鄉置廟尊為德明皇帝改西京元元廟為太清宮東京為太微宮天下諸郡為紫極宮韋堅開廣濟潭畢功盛陳舟艦丙寅上幸廣運樓以觀之即日還宮夏六月甲戌夜雷震東京應天門觀災延燒至左右延福門經日不滅七月癸丑致仕禮部尚書王丘卒丙辰尚書右僕射裴耀卿薨九月太子少保崔琳卒辛酉譙郡紫微宮改為太清宮冬十月戊辰太子太保信安王祚卒戊寅幸溫泉宮十一月乙卯至自溫泉宮十二月己亥東京應天門改為乾元門戊申幸溫泉宮丙辰至自溫泉宮十二月乙酉太子賓客賀知章請度為道士還鄉是冬無雪三載正月丙辰朔改年為載赦見禁囚徒庚子遣左右相已下祖別賀知章於長樂坡上賦詩贈之壬寅幸溫泉宮二月己巳還京丁丑封讓皇帝男琳為嗣寧王故邵王守禮男承寧為嗣邵王讓帝男璿為嗣申王惠宣太子男珍為嗣岐王琬為嗣薛王庚寅皇太子紹改名亨是月河南尹裴敦復卒閏月辛亥有星如月墜於東南墜後有聲京師訛言官遣根捕人肝以祭天狗人相恐讖縣尤甚發使安之三月庚午武威郡上言番禾縣天寶山有醴泉湧出嶺石化為瑞祥遠近貧乏者取以給食改番禾為天寶縣癸酉制天下見禁囚徒死罪降流已下並原之夏四月南海太守劉巨鱗擊破海賊吳令光末嘉都平勅兩京天下州郡取官物鑄金銅天尊及佛各一軀送開元觀開元寺五月戊寅長安令柳升坐贓於朝堂決殺之秋八月丙午九姓拔悉密葉護攻殺突厥烏蘇米施可汗傳首京師庚申內外文武官六品已下自

今已後赴任之後計載終滿二百日已上許其成考
冬十月癸巳幸溫泉宮丁未改史國爲來威國十一
月癸卯還京癸丑每載依舊取正月十四日十五日
十六日開坊市門燃燈未以爲常式玉眞公主先爲
女道士讓號及實封賜名摘盈十二月甲午分新豐
縣置會昌縣甲寅親祀九宮貴神於東郊禮畢大赦
天下百姓十八已上爲中男二十三已上成丁每歲
庸調八月起徵可延至九月詔天下民間家藏孝經
一本

四載春三月甲申宴羣臣於勤政樓壬申封外孫獨
孤氏女爲靜樂公主出降契丹松漠都督李懷節封
外孫楊氏女爲宜芳公主出降奚饒樂都督李延寵
秋八月甲辰冊太眞妃楊氏爲貴妃是月河南睢陽
淮陽譙等八郡大水九月契丹及奚酋長各殺公主
舉部落叛龍右節度使皇甫惟明與吐蕃戰于石堡
城官軍不利副將褚直廉等死之冬十月於單于都
護府置金河縣安北都護府置陰山縣丁酉幸溫泉
宮壬子以會昌縣爲同京縣十二月戊戌還京

五載春正月癸酉刑部尚書韋堅貶括蒼太守隴右
節度使皇甫惟明貶播州太守尋決死於黔中乙亥
勅大小縣令並准畿官例三選聽集禮記月令改爲
時令封中嶽爲中天王南嶽爲司天王北嶽爲安天
王天下山水名稱或同義且不經多因於里諺宜令
所司各據圖籍改定丙子遣禮部尚書席豫左丞崔
翹御史中丞王拱等七人分行天下黜陟官吏夏四
月庚寅左相渭源伯李適之爲太子少保罷知政事
丁酉門下侍郎陳希烈同中書門下平章事五月庚

申勅今後每至旬節休假中書門下文武百寮不須
入朝外官不須衙集癸卯停郡縣差丁白直課錢六
月勅三伏內令宰相辰時還宅秋七月丙子韋堅爲
李林甫所構配流臨封郡賜死堅妹皇太子妃聽離
堅外甥嗣薛王瑒貶夷陵郡別駕女壻巴陵太守盧
幼臨長流合浦郡太子少保李適之貶宜春太守到
任飲藥死八月以戶部侍郎郭虛己爲御史大夫劍
南節度使九月壬子於太清宮刻石爲李林甫陳希
烈像侍於聖容之側冬十月丁酉幸溫泉宮改臨瀛
郡爲濟南郡十一月己巳還京十二月辛未贊善大
夫杜有鄰著作郎王曾左驍衛兵曹柳勣等爲李林
甫所構並下獄死

六載正月辛巳朔北海太守李邕淄川太守裴敦復
並以事連王曾柳勣遣使就殺之丁亥親幸太廟戊
子親祀圜丘禮畢大赦天下除絞斬刑但決重杖於
京城置三皇五帝廟以時享祭其章懷節愍惠莊惠
文惠宣等太子宜與隱太子懿德太子同爲一廟每
日立仗食及設仗於庭此後並宜停廢五嶽既已封
王四瀆當昇公位封河瀆爲靈源公濟瀆爲清源公
江瀆爲廣源公淮瀆爲長源公三月戊戌南海太守
彭果坐賊決杖長流湊溪郡死于路夏四月戊午門
下侍郎陳希烈爲左相兼兵部尚書癸酉復置軍器
監自五月不雨至秋七月乙酉以早命宰相臺寺府
縣錄繫囚死罪決杖配流徒已下特免庚寅始雨冬
十月戊申幸溫泉宮改爲華清宮十一月乙亥戶部
侍郎楊慎矜及兄少府少監慎餘與弟洛陽令慎名
並爲李林甫及御史中丞王拱所構下獄死十二月

丙辰工部尚書陸景融卒壬戌還京

七載春正月己卯禮部尚書席豫卒己亥韋縚奏御
案褥秋帷等望去紫用赤黃從之三月乙酉大同殿
柱產玉芝有神光照殿羣臣請加皇帝尊號曰開元
天寶聖文神武應道許之夏四月辛丑以高力士爲
驃騎大將軍五月壬午上御興慶宮受冊徽號大赦
天下百姓免來載租庸三皇以前帝王京城置廟以
時致祭其歷代帝王肇跡之處未有祠宇者所在各
置一廟忠臣義士孝婦烈女德行彌高者亦置祠宇
致祭賜醮三日六月范陽節度使安祿山賜實封及
鐵券秋八月己亥朔改千秋節爲天長節壬子改萬
年縣爲咸寧縣冬十月庚午幸華清宮封貴妃姊二
人爲韓國號國夫人十二月戊戌言元元皇帝見于
華清宮之朝元閣乃改爲降聖閣改會昌縣爲昭應
縣會昌山爲昭應山封山神爲元德公仍立祠宇辛
酉還京

八載春正月甲申賜京官絹備春時賞遊二月戊申
引百官於左藏庫縱觀錢幣賜絹而歸三月朔方節
度使張降丘於東受降城北築橫塞城夏四月咸寧
大守趙奉璋決杖而死著作郎韋子春貶端溪尉李
林甫陷之也幸華清宮觀風樓五月辛巳於開遠門
外作振旅亭戊子海南太守劉巨鱗坐賊決死之六
月大同殿又產玉芝一華龍右節度使哥舒翰攻吐
蕃石堡城拔之閏月己丑改石堡城爲神武軍劔南
索磨川新置都護府宜以保寧爲名丙寅上親謁太
清宮冊聖祖元元皇帝尊號爲聖祖大道元元皇帝
高祖太宗高宗中宗睿宗五帝皆加大聖皇帝之字

太穆文德則天和思昭皇后皆加順聖皇后之字羣臣上皇帝尊號為開元天寶聖文神武應道皇帝丁卯上御含元殿受冊大赦天下自今後每至禘祫並於太清宮聖祖前序昭穆初太白山人李渾言太白山金星洞有帝福壽玉版石記求得之乃封太白山為神應公金星洞為嘉祥公所管華陽縣為貞符縣戊辰太子太師徐國公蕭嵩薨丁亥南衙立仗馬宜停省進馬官秋八月戊子郡別駕宜停下郡置長史冬十月丙寅幸華清宮十一月丁巳幸御史中丞楊釗莊

九載春正月庚寅朔與歲次同始受朝於華清宮己亥還京庚戌羣臣請封西嶽從之二月壬午御史中丞宋渾坐賊及姦長流高要郡三月庚戌改置使為獻納辛亥西嶽廟災時久旱制停封西嶽夏五月庚寅以旱錄囚徒乙卯安祿山進封東平郡王節度使封王自此始也秋七月己亥國子監置廣文館徙生徒為進士業者九月乙卯處士崔昌上五行應運曆以國家合承周漢請廢周隋不合為二王後冬十一月庚寅幸華清宮己丑制自今告獻太清宮及太廟改為朝獻巡陵為朝拜告宗廟為秦天地享祀文改昭告為昭薦以告者臨下之義故也辛卯幸楊國忠亭子辛丑立周武王漢高祖廟於京城司置官吏十二月乙亥還京

十載春正月乙酉朔壬辰朝獻太清宮癸巳朝饗太廟甲午有事于南郊合祭天地禮畢大赦天下太廟置內官供洒掃諸陵廟己亥改傳國寶為承天大寶丁未李林甫領安北副大都護朔方節度使庚戌大

風陝郡運船失火燒米船二百餘隻人死者五百計癸丑分遣嗣吳王祚等十三人祭嶽瀆海鎮二月丁巳安祿山兼雲中太守河東節度使夏四月劔南節度使鮮于仲通將兵六萬討雲南與雲南王閣羅鳳戰于瀘川官軍大敗死干瀘水者不可勝數五月丁亥改諸衛幡旗緋色者為赤黃以符土運秋八月乙卯廣陵郡大風潮水覆船數千艘丙辰京城武庫災燒器械四十七萬事是秋霖雨積旬牆屋多壞西京尤甚冬十月辛亥幸華清宮十一月乙未幸楊國忠宅丙午兵部侍郎兼御史中丞楊國忠兼領劔南節度使

十一載春正月辛亥還京二月癸酉禁惡錢官出好錢以易之既而商旅不便訴於國忠乃止之三月朔方節度副使奉信王阿布思與安祿山同討契丹布思與祿山不協乃率其部下叛歸漢地丙午制今後每月朔望宜令薦食於太廟每室一牙盤仍五日一開室門洒掃改吏部為文部兵部為武部刑部為憲部其部內諸司有部字者並改將作大匠少匠為大少二監夏四月御史大夫兼京兆尹王鉉賜死坐弟鐸與兇人邢絳謀逆故也楊國忠兼京兆尹五月戊申慶王琬薨贈靖德太子六月戊子東京大風拔樹發屋八月己丑幸左藏庫賜羣臣帛有差九月甲寅改諸衛士為武士冬十月戊寅幸華清宮十一月乙卯尚書左僕射兼右相晉國公李林甫薨於行在所庚申御史大夫兼蜀郡長史楊國忠為右相兼文部尚書十二月甲戌楊國忠奏請兩京選人銓日便定流放無長名己亥還京

十二載春正月壬子楊國忠於尚書省注官注訖於都堂對左相與諸司長官唱名二月庚辰選人鄭慤等二十餘人以國忠銓注無滯設齋於勤政殿下立碑於尚書省門癸未追削故右相李林甫在身官爵男將作監岫宗黨李復道等五十人皆流貶國忠誅秦林甫陰結叛賊阿布思故也夏五月乙酉以魏周隋依舊為三恪及二王後復封韓介鄒等公辛亥太廟諸陵署依舊諫太常寺七月壬子天下齊人不得鄉貢須補國子學生然後貢舉八月京城霖雨米貴令出太倉米十萬石減價糶與貧人仍令中書門下就京兆大理疏決囚徒九月己亥朔隴右節度使涼國公哥舒翰進封西平郡王食實封五百戶冬十月戊申幸華清宮和雇京城丁戶一萬三千人築興慶宮牆起樓觀至十二月改橫密城為天德軍庚寅行從官憲部尚書張筠等請上尊號為開元天地大寶聖文神武孝德證道皇帝

十三載春正月丁酉朔上御華清宮之觀風樓受朝賀己亥安慶緒獻俘于行在帝引見于禁中賞賜鉅萬乙巳加安祿山尚書左僕射賜實封千戶奴婢十房莊宅各一區又加閑廐五坊宮苑隴右羣牧都使以武部侍郎吉溫為副丙午還京二月癸酉上親朝獻太清宮上元元皇帝尊號曰大聖祖高上大道金闕元元太皇大帝甲戌親享太廟上高祖神堯大聖高宗諡曰高宗天皇大聖大弘孝皇帝中宗諡曰中宗太和大聖大昭孝皇帝睿宗諡曰睿宗元真大聖興孝皇帝乙亥御興慶殿受徽號禮畢大赦天下左

降官遭父母憂放歸獻陵等五署改爲臺令丞各升一階文武三品已上賜爵一級四品已下加一階賜醢三日戊寅右相兼文部尚書楊國忠守司空餘如故甲申司空楊國忠受冊天雨黃土霑於朝服祿山奏前後討契丹立功將士跳盪等請超三資告身仍望好寫於是超授將軍者五百餘人中將者二千餘人三月丁酉太常卿張垠貶盧溪郡司馬垠兄憲部尚書均貶建安太守丙午御躍龍殿門張樂宴羣臣賜右相絹一千五百疋綵羅三百疋綵綾五百疋左相絹三百疋綵羅綾各五十疋餘三品八十疋四品五品六十疋六品七十疋極歡而罷壬戌御勤政樓大酺北庭都護程千里生擒阿不思獻於樓下斬之於朱雀街乙丑左羽林上將軍封常清權北庭都護伊西節度使萬春公主出降楊鼎夏五月癸亥守心五十餘日六月乙丑朔日有蝕之不一盡如鈞侍御史劔南留後李必率兵擊雲南蠻於西洱河糧盡軍旋馬足陷橋爲閣羅鳳所擒舉軍皆沒廢濟陽郡以所領五縣隸東平郡秋八月丁亥以久雨左相許國公陳希烈爲太子太師罷知政事文部侍郎韋見素爲武部尚書同中書門下平章事是秋霖雨積六十餘日京城垣屋頽壞殆盡物價暴貴人多乏食令出太倉米一百萬石開十場賤糶以濟貧民東都瀕洛暴漲漂沒一十九坊上御勤政樓試四科制舉人策外加詩賦各一首制舉加詩賦自此始也冬十月壬寅幸華清宮貶河東太守韋陟爲桂嶺尉武部侍郎吉溫爲澧陽郡長史乙巳開府儀同三司畢國公竇瑰薨戊午還京其載戶部計今年見管州縣戶口

管郡總二百二十一縣一千五百三十八鄉一萬六千八百二十九戶九百六十一萬九千二百五十四三百八十八萬六千五百四不課五百三十萬一千四百四課口五千二百八十八萬四千八百八十四五百二十一萬八千四百八十不課七百六十六萬二千八百課

殺賊將李欽湊執賊將何千年高邈送京師辛丑詔皇太子統兵東討以末王璿爲山南節度使以江陵長史源洵副之穎王璿爲劍南節度使以蜀郡長史崔圓副之二王不出閣丙午斬封常清高仙芝于潼關以哥舒翰爲太子先鋒兵馬元帥領河隴兵募守潼關以拒之辛亥榮王琬薨贈諡恭太子

十四載春三月丙寅宴羣臣於勤政樓奏九部樂上賦詩數柏梁體發未遣給事中裴士淹等巡撫河南河北淮南等道八月壬辰上親錄囚徒冬十月壬辰幸華清宮甲午頒御注老子并義疏於天下十一月戊午朔始寧太守羅希夷以停止張博濟決杖而死吉溫自縊於獄丙寅范陽節度使安祿山率蕃漢之兵十餘萬自幽州南向詣闕以誅楊國忠爲名先殺太原尹楊光翽於博陵郡王申聞於行在所癸酉以郭子儀爲靈武太守朔方節度使封常清自安西入奏至行在甲戌以常清爲范陽平盧節度使兼御史大夫令募兵三萬以禦逆寇戊寅還京以羽林大將軍王承業爲太原尹以衛尉卿張介然爲陳留太守河南節度採訪使以金吾將軍程千里爲潞州長史並令討賊甲申以京兆牧榮王琬爲元帥命高仙芝副之於京城召募號曰天武軍其衆十萬丙戌高仙芝等進軍上御勤政樓送之十二月丙戌朔祿山於靈昌郡渡河辛卯陷陳留郡殺張介然甲午陷滎陽郡殺太守崔無詖丙申封常清與賊戰于成皐兒子谷官軍敗績常清奔於陝郡丁酉祿山陷東京殺留守李澄中丞盧奕判官蔣清時高仙芝鎮陝郡棗城西保潼關常山大守顏杲卿與長史袁履謙賈深等

殺賊將李欽湊執賊將何千年高邈送京師辛丑詔皇太子統兵東討以末王璿爲山南節度使以江陵長史源洵副之穎王璿爲劍南節度使以蜀郡長史崔圓副之二王不出閣丙午斬封常清高仙芝于潼關以哥舒翰爲太子先鋒兵馬元帥領河隴兵募守潼關以拒之辛亥榮王琬薨贈諡恭太子

十五載春正月乙卯御宣政殿受朝其日祿山僭號於東京庚申以李光弼爲雲中太守河東節度使壬戌賊將蔡希德陷常山郡執太守顏杲卿長史袁履謙殺民吏萬餘城中流血甲子哥舒翰進位尚書左僕射同中書門下平章事乙丑賊將安慶緒犯潼關哥舒翰擊退之乙巳加平原太守顏真卿戶部侍郎獎守城也二月丙戌李光弼郭子儀將兵東出井陘與賊將史思明戰大破之進取郡縣十餘丙辰誅工部尚書安思順三月壬午朔以河東節度使李光弼爲御史大夫范陽節度使乙酉以平原太守顏真卿爲河北採訪使己亥改常山郡爲平山郡房山縣爲平山縣鹿泉縣爲獲鹿縣鹿泉縣爲東鹿縣夏四月丙午以贊善大夫來瑱爲潁川太守招討使五月戊午南陽太守魯炅與賊將武令珣戰于澧水上官軍大敗爲賊所擄進寇我南陽詔嗣號王巨自藍田出師救南陽六月癸未朔顏真卿破賊將袁知泰於堂邑北海太守賀蘭進明收信都庚寅哥舒翰將兵八萬與賊將崔乾祐戰于靈寶西原官軍大敗死者十六七其日李光弼與賊將史思明戰于常山東嘉山大破之斬獲數萬計辛卯哥舒翰至潼關爲其帳下火拔歸仁以左右數十騎執之降賊關門不守京師

大駭河東華陰上洛等郡皆委城而走甲午將謀幸蜀乃下詔親征仗下從士庶恐駭奔走于路乙未凌晨自延秋門出微雨露濕扈從惟宰相楊國忠韋見素內侍高力士及太子親王妃主皇孫已下多從之不及平明渡便橋國忠欲斷橋上曰後來者何以能濟命緩之辰時至咸陽望賢驛置頓官吏駭散無復備供上憩於宮門之樹下亭午未進食俄有父老獻麪上謂之曰如何得飯於是百姓獻食相繼俄又尚食持御膳至上願給從官而後食是夕次金城縣官吏已遁令魏方進男允招誘俄得智藏寺僧進芻粟行從方給丙辰次馬嵬驛諸頓軍不進龍武大將軍陳元禮奏曰逆寇指關以誅國忠為名然中外羣情不無嫌怨今國步艱阻乘輿震蕩陛下宜徇羣情為社稷大計國忠之徒可置之于法會吐蕃使二十一人遮國忠告訴於驛門衆呼曰楊國忠連蕃人謀逆兵士圍驛四合乃誅楊國忠衆方退一族兵猶未解上令高力士詰之迴奏曰諸將既誅國忠以貴妃在宮人情恐懼上即命力士賜貴妃自盡元禮等見上請罪命釋之丁酉將發馬嵬驛朝臣唯韋見素一人乃命見素于京兆府司錄謗為御史中丞充置頓使議其所向軍士或言河隴或言靈武太原或言還京為便韋謗曰還京須有捍賊之備兵馬未集恐非萬全不如且幸扶風徐圖所向上詢于衆咸以為然及行百姓遮路乞留皇太子願勦力破賊收復京城因留太子戊戌次扶風縣已亥次扶風郡軍士各懷去就咸出醜言陳元禮不能制會益州貢春綵十萬疋上悉命置于庭召諸將諭之曰卿等國家功臣陳

力久矣朕之優獎常亦不輕逆寇背恩事須迴避甚知卿等不得別父母妻子朕亦不及親辭九廟言發涕流又曰朕須幸蜀路險狹人若多往恐難供承今有此綵卿等即宜分取各圖去就朕自有子弟中官相隨便與卿等訣別衆咸俯伏涕泣曰死生願從陛下上曰去住任卿自此悻亂之言稍息庚子以司勳郎中劍南節度留後崔圓為蜀郡長史劍南節度副大使以穎王璩為劍南節度大使以監察御史宋若思為御史中丞充置頓使韋謗充巡關道使並令先發辛丑發扶風郡是夕次陳倉壬寅次散關分部下為六軍穎王璩先行壽王瑁等分統六軍前後左右相次丙午河池郡崔圓奏劍南歲稔民安儲供無闕上大悅授圓中書侍郎同中書門下平章事蜀郡長史劍南節度如故以前華州刺史魏犀為梁州長史秋七月癸丑朔壬戌次益昌縣渡吉柏江有雙魚夾舟而躍議者以為龍王子次普安郡憲部侍郎房琯自後至上與語甚悅即日拜為吏部尚書同中書門下平章事丁卯詔以皇太子亨充天下兵馬元帥都統朔方河東河北平盧等節度兵馬收復兩京永王璘江陵府都督統山南東路黔中江南西路等節度大使盛王琦廣陵郡大都督統江南東路淮南河南等路節度大使豐王珙武威郡都督領河西隴右安西北庭等路節度大使初京師陷賊軍駕倉皇出幸人未知所向衆心震駭及聞是詔遠近相慶咸思効忠於興復庚午次巴西郡太守崔渙奉迎即日以渙為門下侍郎同中書門下平章事以韋見素為左相庚辰車駕至蜀郡扈從官吏軍士到者一千三百人

宮女二十四人而已八月癸未朔御蜀都府衙宣詔曰朕以薄德嗣守神器每乾乾惕厲勤念生靈一物失所無忘罪己聿來四紀人亦小康推心于人不疑于物而姦臣兇豎棄義背恩割剝黎元擾亂區夏皆朕不明之過也今巡撫巴蜀訓厲師徒仍令太子諸王蒐兵重鎮誅夷兇醜以謝黎罔思與羣臣重弘理道可大赦天下癸巳靈武使至始知皇太子即位丁酉上用靈武冊稱上皇詔稱詰己亥上皇臨軒冊肅宗命宰臣韋見素房琯使靈武冊命曰朕稱太上皇軍國大事先取皇帝處分後奏朕知候克復兩京朕當怡神姑射偃息大庭明年九月郭子儀收復兩京十月肅宗遣中使啖廷瑤入蜀奉迎丁卯上皇發蜀郡十一月丙申次鳳翔郡肅宗遣精騎三千至扶風迎衛十二月丙午肅宗具法駕至咸陽望賢驛迎奉上皇御宮之南樓肅宗拜慶樓下嗚咽流涕不自勝為上皇徒步控轡上皇撫背止之即騎馬前導丁未至京師文武百寮京城士庶夾道歡呼靡不流涕即日御大明宮之含元殿見百寮上皇親自撫問人人感咽時太廟為賊所焚權移神主於大內長安殿上皇謁廟請罪遂幸興慶宮三載二月肅宗與羣臣奉上皇尊號曰太上至道聖皇帝乾元三年七月丁未移幸西內之甘露殿時閣宦李輔國離間肅宗故移居西內高力士陳元禮等遷謫上皇浸不自憚上元二年四月甲寅崩于神龍殿時年七十八羣臣上諡曰至道大聖大明孝皇帝廟號元宗初上皇親拜五陵至橋陵見金粟山岡有龍盤鳳翥之勢復近先塋謂侍臣曰吾千秋後宜葬此地得奉先陵不忘孝敬

矣至是追奉先旨以創寢園以廣德元年二月辛酉
葬于泰陵

按唐書肅宗本紀肅宗文明武德大聖大宣孝皇帝諱亨元宗第三子也母曰元獻皇后楊氏初名嗣昇封陝王開元四年爲安西大都護性仁孝好學元宗尤受之遺賀知章潘肅呂向皇甫彬邢璣等侍讀左右十五年更名浚徙封忠王爲朔方節度大使單于大都護十八年奚契丹寇邊乃以肅宗爲河北道行軍元帥遣御史大夫李朝隱等八總管兵十萬以伐之居二歲朝隱等敗奚契丹于范陽北肅宗以統帥功遷司徒二十三年又更名瑒二十五年皇太子瑛廢死明年立爲皇太子有司行冊禮其儀有中嚴外辦其服絳紗太子曰此天子禮也乃下公卿議太師蕭嵩左丞相裴耀卿請改外辦爲外備絳紗衣爲朱明服乃從之二十八年又更名紹天寶二載又更名亨安祿山來朝太子識其有反相請以罪誅之元宗

不聽祿山反十五載元宗避賊行至馬嵬父老遮道請留太子討賊元宗許之遣壽王瑁及內侍高力士諭太子太子乃還六月丁酉至渭北便橋橋絕募水濱居民得三千餘人涉而濟遇潼關散卒以爲賊與戰多傷既而覺之收其餘以涉後軍多沒者夕次未

壽縣吏民稍持牛酒來獻新平郡太守薛羽保定郡太守徐穀聞賊且至皆棄城走己亥太子次保定捕得羽穀斬之辛丑次平涼郡得牧馬牛羊兵始振朔方留後支度副使杜鴻漸六城水陸運使魏少遊節度判官崔漪支度判官崔簡金關內鹽池判官李涵河西行軍司馬裴冕迎太子治兵于朔方庚戌大豐寧見大河之險將保之會天大風迴趨靈武七月辛酉至于靈武壬戌裴冕等請皇太子即皇帝位甲子即皇帝位于靈武尊皇帝曰上皇天帝大赦改元至德賜文武官階勳爵版授侍老太守縣令裴冕爲中書侍郎同中書門下平章事甲戌安祿山寇扶風太守薛景仙敗之八月辛卯張巡及安祿山將李巡望戰于雍丘敗之十月辛巳朔日有食之癸未次彭原郡詔御史諫官論事勿先白大夫及宰相始醫薛度僧尼房瑄爲招討西京防禦蒲潼兩關兵馬元帥兵部尚書王思禮副之南軍入于宜壽中軍入于武功北軍入于奉天辛卯河南節度副使張巡及令狐潮戰于雍丘敗之辛丑房瑄以中軍北軍及安祿山之衆戰于陳濤斜敗績癸卯瑄又以南軍戰敗績是月遣永王璘朝上皇天帝于蜀郡璘反丹徒郡太守閻敬之及璘戰于伊婁墟死之十一月辛卯河西地震戊午崔漢爲江南宣慰使郭子儀率回紇及安祿山

戰于河上敗之史思明寇太原十二月安祿山陷魯東平濟陰三郡戊子給復平原郡二載安祿山陷潁川執太守薛愿及長史龐堅是歲吐蕃陷嵩州領南溪獠梁崇牽陷容州

二載正月永王璘陷鄱陽郡乙卯安慶緒弑其父祿山丙寅河西兵馬使孟庭倫殺其節度使周泌以武威郡反乙亥安慶緒將尹子奇寇睢陽郡張巡敗之二月戊子次于鳳翔李光弼及安慶緒之衆戰于太原敗之丁酉關西節度兵馬使郭英乂及安慶緒戰于武功敗績慶緒陷馮翊郡太守蕭賁死之慶緒將蔡希德寇太原戊戌庶人璘伏誅庚子郭子儀及安慶緒戰于潼關敗之王寅河西判官崔僞克武威郡孟庭倫伏誅甲辰郭子儀及安慶緒戰于永豐倉敗之大將李韶光王祚死之三月辛酉韋見素裴冕罷憲部尚書致仕苗晉卿爲左相四月戊寅郭子儀爲關內河東副元帥壬午瘞陣亡者庚寅郭子儀及安慶緒將李歸仁戰于劉運橋敗之五月癸丑子儀及慶緒將安守忠戰于清渠敗績丁巳房瑄罷諫議大夫張鎬爲中書侍郎同中書門下平章事六月癸未尹子奇寇睢陽丁酉南充郡民何泊執其太守楊齊會以反劍南節度使盧元裕敗之七月己酉太白經天丁巳安慶緒將安武臣陷陝郡八月丁丑焚長春宮甲申崔漢罷張鎬兼河南節度使都統淮南諸軍事靈昌郡太守許叔冀奔于彭城癸巳大閱閏月甲寅安慶緒寇好時渭北節度使李光進敗之丁卯廣平郡王俶爲天下兵馬元帥郭子儀副之以朔方安西回紇南蠻大食兵討安慶緒辛未京畿採訪宣慰

使崔光遠及慶緒戰于駱谷敗之行軍司馬王伯倫戰於苑北死之九月丁丑慶緒陷上黨郡執節度使程千里王寅廣平郡王俶及慶緒戰于澧水敗之癸卯復京師慶緒奔于陝郡尚書左僕射裴冕告太清宮郊廟社稷五陵宣慰百姓十月戊申廣平郡王俶及安慶緒戰于新店敗之克陝郡王子復東京慶緒奔于河北與平軍兵馬使李奐及慶緒之衆戰于武關敗之克上洛郡吐蕃陷西平郡癸丑安慶緒陷睢陽太守許遠及張巡鄆州刺史姚間左金吾衛將軍南霽雲皆死之癸亥給復鳳翔五載版授父老官遣太子太師韋見素迎上皇天帝于蜀郡丁卯至自靈武饗于太廟哭三日己巳關內節度使王思禮及安慶緒戰于絳郡敗之十一月丙子張鎰率四鎮伊西北庭行營兵馬使李嗣業陝西節度使來瑱河南都知兵馬使嗣吳王祗克河南郡縣庚子作九廟神主告享于長樂殿十二月丙午上皇天帝至自蜀郡甲寅苗晉卿爲中書侍郎同中書門下平章事戊午大赦靈武元從蜀郡扈從官三品已上予一子官四品以下一子出身瘞陣亡者致祭之給復其家二載免天下租庸來歲三之一禁珠玉寶劍平脫金泥刺繡復諸州及官名以蜀郡爲南京鳳翔郡爲西京西京爲中京給復潞州五載并鄧許滑宋五州雍丘好時奉先縣二載益州三載賜文武官階勳爵父老八十以上版授加緋衣銀魚民醵五日廣平郡王俶爲太尉進爵楚王苗晉卿爲侍中崔圓爲中書令李麟同中書門下三品進封子南陽郡王係爲趙王新城郡王僅彭王潁川郡王僖王東陽郡王從涇王封子

僖爲襄王僖杞王僖召王僖與王僖定王乙丑史思明降壬申達奚珣等伏誅

乾元元年正月戊寅上皇天帝御宣政殿授皇帝傳國受命寶符冊號曰光天文武大聖孝感皇帝乙酉出宮女三千人庚寅大閱二月癸卯安慶緒將能元皓以淄青降以元皓爲河北招討使乙巳上上皇天帝冊號曰聖皇天帝丁未大赦改元贈死事及拒僞命者官成都靈州扈從三品已上予一子官五品已上一子出身六品以下叙進之免陷賊州三歲稅賜文武官階爵三月甲戌徙封僞爲成王戊寅立淑妃張氏爲皇后四月辛亥冊神主于太廟甲寅朝享于太廟有事于南郊乙卯大赦賜文武官階勳爵天下非租庸母輒役使有能賑貧窮寵以官爵京官九品以上言事二王三恪予一子官史思明殺范陽節度副使烏承恩以反五月戊子張鎰罷乙未崔圓李麟罷太常少卿王璵爲中書侍郎同中書門下平章事七月党項羌寇邊九月丙子招討党項使王仲昇殺拓拔戎德庚寅郭子儀率李光弼李嗣業王思禮淮西節度使魯吳興平軍節度使李奐滑濮節度使許叔冀平盧兵馬使董秦鄭蔡節度使李廣琛以討安慶緒癸巳大食波斯寇廣州十月甲辰立成王俶爲皇太子大赦賜文武官階爵五品已上子爲父後者勳兩轉舉忠正孝友堪東官者十一月壬申王思禮及安慶緒戰于相州敗之十二月庚戌戶部尚書李岷都統淮南江東江西節度使丁卯史思明陷魏州

二年正月己巳羣臣上尊號曰乾元大聖光天文武

孝感皇帝郭子儀及安慶緒戰于愁思岡敗之丁丑祠九宮貴神戊寅耕籍田二月壬戌中書門下慮囚三月己巳皇后親蠶壬申九節度之師潰于澄水史思明殺安慶緒東京留守崔圓河南尹蘇震汝州刺史賈至奔于襄鄧郭子儀屯于東京丁亥以旱降死罪流以下原之流民還者給復三年甲午兵部侍郎呂諲同中書門下平章事乙未苗晉卿王璵罷京兆尹李岷爲吏部尚書中書舍人李揆爲中書侍郎戶部侍郎第五琦同中書門下平章事丙申郭子儀爲東畿山南東河南等道諸節度防禦兵馬元帥四月庚子王思禮及史思明戰于直千嶺敗之王寅詔減常膳服御武德中尚作坊非賜蕃客戎祀所須者皆罷之五月辛巳貶李岷爲蜀州刺史七月辛巳趙王係爲天下兵馬元帥李光弼副之辛卯呂諲罷八月乙巳襄州防禦將康楚元張嘉延反逐其刺史王政九月甲子張嘉延陷荊州丁亥太子少保崔光遠爲荆襄招討山南東道處置兵馬使庚寅史思明陷東京及齊汝鄭滑四州十月乙巳李光弼及史思明戰于河陽敗之王戌呂諲起復十一月庚午貶第五琦爲忠州刺史十二月乙巳康楚元伏誅史思明寇陝州神策軍將衛伯玉敗之

上元元年三月丙子降死罪流以下原之四月戊申山南東道將張維瑾反殺其節度使史闡丁巳有彗星出于婁胃己未來瑱爲山南東道節度使以討張維瑾閏月辛酉有彗星出于西方甲戌徙封係爲越王己卯大赦改元賜文武官爵追封太公望爲武成王復死刑三覆奏是月大饑張維瑾降五月丙午太

子太傅苗晉卿爲侍中壬子呂誼罷六月乙丑鳳翔節度使崔光遠及羌渾黨項戰于涇隴敗之乙酉又敗之于普潤李光弼及史思明戰于懷州敗之七月丁未聖皇天帝遷于西內十一月甲午揚州長史劉展反陷潤州丙申陷昇州壬子李恒淮南節度使鄧景山及劉展戰于淮上敗績是歲吐蕃陷廓州西原蠻寇邊桂州經略使邢濟敗之

二年正月甲寅降死罪流以下原之乙卯劉展伏誅二月己未奴刺党項羌寇寶雞焚大散關寇鳳州刺史蕭悅死之鳳翔尹李鼎敗之戊寅李光弼及史思明戰于北邙敗績思明陷河陽癸未貶李揆爲袁州長史河中節度使肅華爲中書侍郎同中書門下平章事乙酉來瑱及史思明戰于魯山敗之三月甲午史朝義寇陝州神策軍節度使衛伯玉敗之戊戌史朝義殺其父思明李光弼罷副元帥四月己未吏部侍郎裴遵慶爲黃門侍郎同中書門下平章事乙亥青密節度使尚衡及史朝義戰敗之丁丑亮鄆節度使能元皓又敗之壬午劍南東川節度兵馬使段干璋反陷綿州遂州刺史嗣號王巨死之節度使李奐奔于成都五月甲午史朝義將令孤彰以滑州降戊戌平盧軍節度使侯希逸及史朝義戰于幽州敗之庚子李光弼爲河南道副元帥劍南節度使崔光遠克東川段干璋伏誅七月癸未朔日有食之八月辛巳殿中監李國貞都統朔方鎮西北庭興平陳鄭河中節度使九月壬寅大赦去乾元大聖光天文武孝感號去上元號稱元年以十一月爲歲首月以斗所建辰爲名賜文武官階勳爵版授侍老官先授者叙

進之停四京號元年建子月癸巳曹州刺史常休明及史朝義將薛崇戰敗之己亥朝聖皇天帝于西內丙午衛伯玉及史朝義戰于永寧敗之己酉朝獻于太清宮庚戌朝享于太廟及元獻皇后廟建丑月辛亥有事於南郊己未來瑱及史朝義戰于汝州敗之乙亥侯希逸及朝義將李懷仙戰于范陽敗之

寶應元年建寅月甲申追冊靖德太子琮爲皇帝妃寶氏爲皇后乙酉葬王妃紀王遇害者丙戌盜發敬陵惠陵甲辰李光弼克許州吐蕃請和戊申史朝義陷營州建卯月辛亥大赦賜文武官階爵五品以上清望及郎官御史薦流人有行業者可矜者停貢薦鶴狗豹以京兆府爲上都河南府爲東都鳳翔府爲西都江陵府爲南都太原府爲北都壬子羌渾奴刺寇梁州癸丑河東軍亂殺其節度使鄧景山都知兵馬使辛雲京自稱節度使乙丑河中軍亂殺李國貞及其節度使荔非元禮戊辰淮西節度使王仲昇及史朝義將謝欽讓戰于申州敗績庚午郭子儀知朔方河中北庭游儀澤沁節度行營興平定國軍兵馬副元帥壬申鄆州刺史成公意及克項戰敗之建辰月壬午大赦官吏聽納贓免罪左降官及流人罰鎮効力者還之甲午奴刺寇梁州戊申肅華罷戶部侍郎元載同中書門下平章事建巳月庚戌史朝義寇澤州刺史李抱玉敗之壬子楚州獻定國寶玉十有三甲寅聖皇天帝崩乙丑皇太子監國大赦改元年爲寶應元年復以正月爲歲首建巳月爲四月丙寅閑廐使李輔國飛龍廐副使程元振遷皇后于別殿殺越王係亮王個是夜皇帝崩于長生殿年五十二

按舊唐書肅宗本紀肅宗文明武德大聖大宣孝皇帝諱亨元宗第三子母曰元獻皇后楊氏景雲二年乙亥生初名嗣昇二歲封陝王五歲拜安西大都護河西四鎮諸蕃落大使上仁愛英悟得之天然及長聰敏強記屬辭典麗耳目之所聽覽不復遺忘開元十五年正月封忠王改名浚五月領朔方大使單于大都護十八年奚契丹犯塞以上爲河北道元帥信安王祿爲副帥御史大夫李朝隱京兆尹裴仙先等八人總管兵以討之仍命百寮設次於光順門與上相見左丞相張說退謂學士孫逖章述曰嘗見太宗寫真圖忠王英姿穎發儀表非常雅類聖祖此社稷之福也二年諸將大破奚契丹以上遙統之功加司徒二十三年改名瑒二十五年皇太子瑒得罪二十六年六月庚子立上爲皇太子改名紹後有言事者云紹與宋太子名同改今名初太子瑒得罪上召李林甫議立儲貳時壽王瑁母武惠妃方承恩寵林甫希旨以瑁對及立上爲太子林甫懼不利己乃起韋堅柳勣之獄上幾危者數四後又楊國忠依倚妃家恣爲褻穢懼上英武潛謀不利爲患久之天寶十三載正月安祿山來朝上嘗密奏云祿山有反相元宗不聽十四載十一月祿山果叛稱兵詣闕十二月丁未陷東京辛丑制太子監國仍遣上親總諸軍進討時祿山以誅楊國忠爲名由是軍民切齒於楊氏國忠懼乃與貴妃謀問其事上遂不行乃召河西節度使哥舒翰爲皇太子前鋒兵馬元帥令率衆二十萬守潼關明年六月哥舒翰爲賊所敗關門不守國忠諷元宗幸蜀丁酉至馬嵬頓六軍不進請誅楊氏於

是誅國忠賜貴妃自盡車駕將發留上在後宣諭百姓衆泣而言曰逆寇背恩主上播越臣等生於聖代世爲唐民願勦力一心爲國討賊請從太子收復長安元宗聞之曰此天啓也乃令高力士與壽王瑁送太子內人及服御等物留後軍既馬從上令力士口宣曰汝好去百姓屬望慎勿違之莫以吾爲意且西戎北狄吾嘗厚之今國步艱難必得其用汝其勉之上迴至渭北便橋已斷水暴漲無舟楫上號令水濱百姓歸者三千餘人渭水可涉又遇潼關散卒誤以爲賊與之戰士衆多傷乃收其餘衆比上軍既濟其後皆溺上喜以爲天之佑時從上惟廣平建寧二王及四軍將士纔二千人自奉天而北夕次末壽百姓遮道獻牛酒有白雲起西北長數丈如樓閣之狀議者以爲天子之氣戊戌至新平郡時晝夜奔馳三百餘里士衆器械亡失過半所存之衆不過一旅已亥至安定郡斬新平太守薛羽保定太守徐毅以其棄郡也庚子至烏氏驛彭原太守李遵謁見率兵士奉迎仍進衣服糧糗上至彭原又募得甲士四百率私馬以助軍辛丑至平涼郡蒐閱監收公私馬得數萬疋官軍益振時賊據長安知上治兵河西二輔百姓皆曰吾太子大軍卽至賊望西北塵起有時奔走走戊申扶風人康景龍殺賊宣慰使薛總等二百餘人陳倉令薛景仙率衆收扶風郡守之由是關輔豪右皆謀殺賊賊故不敢侵軼上在平涼數日之間未知所適會朔方留後杜鴻漸魏少遊崔漪等遣判官李涵奉牋迎上備陳兵馬招集之勢倉儲庫甲之數上大悅鴻漸又發朔方步騎數千人於白草頓奉迎時河

西行軍司馬裴冕新授御史大夫赴闕遇上於平涼亦勸上治兵於靈武以圖進取上然之上初發平涼有彩雲浮空白鶴前引出軍之後有黃龍自上所憩屋騰空而去上行至豐寧南見黃河天塹之固欲整軍北渡以保豐寧忽大風飛沙跬步之間不辨人物及迴軍趨靈武風沙頓止天地廓清七月辛酉上至靈武時魏少遊預備供帳無不畢備裴冕杜鴻漸等從容進曰今寇逆亂常毒流函谷主上倦勤大位移幸蜀川江山阻險奏請路絕宗社神器須有所歸萬姓願顧思崇明聖天意人事不可固違伏願殿下順其樂推以安社稷王者之大孝也上曰侯平寇逆奉迎鑒與從容儲閣侍膳左右豈不樂哉公等何急也冕等凡六上賤辭情激切上不獲已乃從是月甲子上卽皇帝位於靈武禮畢冕等跪進曰自逆賊憑陵兩京失守聖皇傳位陛下再安區宇臣稽首上千萬歲壽羣臣舞蹈稱萬歲上流涕歔歔感動左右卽日奏其事於上皇是日御靈武南門下制曰朕聞聖人畏天命帝者奉天時知皇靈降命不敢違而去之知曆數可歸不獲已而當之在昔帝王靡不由斯而有天下者也乃者寇逆亂常京闕失守天未悔禍羣兇尚扇聖皇久厭大位思傳躬身軍輿之初已有成命予恐不德罔敢祗承今羣工卿士食曰孝莫大於繼德功莫盛於中興朕所以治兵朔方將殄寇逆務以大者本其孝乎須安兆庶之心敬順羣臣之請乃以七月甲子卽皇帝位於靈武敬崇徽號上尊聖皇曰上皇天帝所司擇日昭告上帝朕以薄德謬當重位既展承天之禮宜軍率土之澤可大赦天下改元曰

至德內外文武官九品已上加兩階賜兩轉三品已上賜爵一級以朔方度支副使大理司直杜鴻漸爲兵部郎中朔方節度判官崔漪爲吏部郎中並知中書舍人以御史中丞裴冕爲中書侍郎同中書門下平章事河西兵馬使周僞爲河西節度使隴右兵馬使彭元暉爲隴右節度使前蒲州刺史呂崇貴爲關內節度使兼順化郡太守以陳倉縣令薛景仙爲扶風太守以隴右節度使郭英乂爲天水郡太守改靈武郡爲大都督府上縣爲望中縣爲上丁卯逆寇害霍國長公主永王妃侯莫陳氏義王妃閭氏陳王妃韋氏信王妃任氏駙馬楊鼎等八十餘人於崇仁之街甲戌賊黨同羅部五千餘人自西出降朔方軍已卯京兆尹崔光遠長安令蘇震等率府縣官吏大呼於西市殺賊數千級然後來赴行在詔改扶風爲鳳翔郡八月壬午朔方節度使郭子儀范陽節度李光弼破賊於常山郡之嘉山上以治兵收京城詔子儀等旋師子儀光弼率所統步騎五萬至屯河北詔以子儀爲兵部尚書依前靈州大都督府長史光弼爲戶部尚書兼太原尹北京留守同中書門下平章事迴紇吐蕃遣使繼至請和親願助國討賊皆宴賜遣之是日上皇至成都大赦癸巳上所奉表始達成都丁酉上皇遜稱詰遣左相韋見素文部尚書房琯門下侍郎崔渙等奉冊書赴靈武九月壬辰上南幸彭原郡封故邠王守禮男承承爲燉煌王令使迴紇和親迴紇可汗女爲毗伽公主仍令僕固懷恩送承案至迴紇部內官邊令該背上皇投賊至是復來見上命斬之丙子至順化郡羣兒素房琯崔渙等自蜀